

**Talamdan
sa Mga Mensahe alang sa Full-time Training
sa Fall Term sa 2024**

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO—
GALACIA**

Mensahe 12

**Mawad-ag Bili gikan ni Cristo
batok sa**

Pagmintinar sa Organicong Pagkausang Nato ni Cristo sa Pagpabilin Nato Kaniya

Basahong Kasulatan: Gal. 5:4; Juan 14:23; 15:4-5; Rom. 11:17, 24; 1 Juan 2:27; Bug. 21:3, 22

- I. “Nawad-an na mog bili, nabulag na ni Cristo, kamong gimatarong sa kasugoan; nahulog na mo gikan sa grasya”—Gal. 5:4:**
- A. Ang mawad-ag bili gikan ni Cristo mabalewala man gikan ni Cristo, mawad-an sa tanang kaayohan nga gikan ni Cristo mao nga mahimo Siyang walay pulos; ang mawad-ag bili gikan ni Cristo kana mang mabulag ni Cristo sa atong kasinatian.
 - B. Makita gyod unta nato nga mga sanga ta ni Cristo nga inalimahan nga kahoyng olivo aron makapahimulos Niya ug ingon nga diosnon ug misticong punoan sa paras aron makabuhat ta uban Niya—Rom. 11:17, 24; Juan 15:1, 4-5; Efe. 3:2; 1 Ped. 4:10.
 - C. Ang Espiritung taghatag-og-kinabuhi mao ang duga-sa-kinabuhi ni Cristo nga langitnong kahoy nga olivo; kon buot tang moambit sa kadato ni Cristo nga katambok, duga, sa langitnong kahoy nga olivo, kontakon gyod nato ang Espiritung taghatag-og-kinabuhi nga duga-sa-kinabuhi ni Cristo—Luc. 23:31; itandi sa Sal. 92:13-14; 36:8-9:
 - 1. Ang masumpay ngadto ni Cristo organico mang mausa ni Cristo nga Espiritu nga naa sa atong espiritu; kay sa atong espiritu man mahitabo ang pagkasumpay nato ni Cristo, sige gyod natong gamiton ang atong espiritu—2 Cor. 3:17; Rom. 8:16; 1 Cor. 6:17.
 - 2. Motawag ngani ta sa Ginoo sa pag-ingon og, “O Ginoo, O Ginoo,” gigamit nato ang atong espiritu ug makaambit dayon ta sa Ginoo nga Espiritung taghatag-og-kinabuhi—Rom. 10:9-13.
 - 3. Ang usa pa ka paagi nga makapahimulos ta sa kadato ni Cristo mao ang pagbasa nato sa Pulong sa Dios ug mo-Amen sa matag pulong; pinaagi niini, magamit nato ang atong espiritu, makakontak ta sa Ginoo, makapahimulos Niya, ug makaambit sa malangkobon-sa-tanan nga Espiritu nga katambok.
 - D. Kinahanglan makita nato nga gisumpay na ta ngadto ni Cristo nga “lahi [sukwahi] og kinaiya”: nagpasabot ang *sukwahig kinaiya* og “sukwahi sa kaugalingon”—11:24:
 - 1. Tanang iya sa daang kinaiya nato, bisan unsa ang pagkamao ug nabatongan nato sa atong kinaiya, sukwahi gyod sa kinaiya sa Ginoo; masal-anon ang atong kinaiya, ug diosnon, espirituhanon, ug balaan ang kinaiya sa Ginoo—Gal. 5:16-17; 2 Ped. 1:4.
 - 2. Aron makaambit ni Cristo nga kahoyng olivo ug sa kadato Niya, hingpit gyod tang putlon gikan sa daang kagikan, daang kasaysayan, daang kinabuhi, daang mga batasan, ug daang mga gawi nato ingon nga ihalas nga mga sanga—Rom. 11:24; itandi sa 4:22-24.
 - 3. Aron makasinati nga maputol gikan sa daang batasan sa pagkinabuhi nato ug makapahimulos sa kasinatian nga masumpay ngadto ni Cristo, gamiton gyod nato ang atong espiritu sa pagtawag sa Iyang ngalan ug pag-ampo-basa sa Iyang pulong—Rom. 10:6-8; Efe. 6:17; *Mga Alawiton*, #866.
 - E. Gipadayag sa Roma 11 nga mga sanga ta ni Cristo nga kahoyng olivo aron mamunga og “mga oliva” ug magpalugwag makahupay nga lana (13:8-10; Gal. 5:14-15); gipadayag sa Juan 15 nga mga sanga ta ni Cristo nga punoan sa paras aron mamunga og “mga paras” ug magpalugwag makapalagsik nga bino; ug sa Lucas 10 gibuboan sa maayong Samaritanhon og lana ug bino ang mga samad sa himalatyon (vv. 33-34):

1. Kon usahon ang lana ug bino makaayo kini sa mga tawo; labi tang motawag sa Ginoo ug moampo-basa sa Iyang Pulong, labi sab tang mamunga og “mga oliva” ug “mga paras” nga magpalugwag lana ug bino nga ibubo sa mga tawong nasamdan sa sulod ug nasubo ug nahigawad.
2. Makapalugwa tag makahupay nga lana ug makapalagsik nga bino sa pagpabilin nato sa Ginoo, ug makapabilin ta sa Ginoo sa pag-ampo-basa nato sa Iyang Pulong ug pagtawag sa Iyang ngalan sa tibuok adlaw; husto dayon tang makatambayayong sa ubang mga sanga aron magpahimulos sa kinabuhi sa Lawas alang sa tuyo sa Dios—Isa. 55:1-11; Juan 15:7, 12.
3. Gigamit ang lana sa kahoyng olivo sa pagpasidungog sa Dios ug sa tawo (Huk. 9:8-9), nagtimaan nga nagpasidungog sa Dios ang mga naggawi pinaagi sa Espiritu (Huk. 5:16, 25), ug nagpasidungog sa tawo ang mga nangalagad sa Espiritu (2 Cor. 3:6, 8; Fil. 3:3).
4. Gigamit ang bino sa punoan sa paras sa paglipay sa Dios ug sa tawo (Huk. 9:12-13), nagtimaan nga naglipay sa Dios ang mga nagpahimulos ni Cristo nga nagsakripisyo ug nagpalagsik nga kinabuhi ug naglipay nga gugma (Mat. 9:17; A. A. 1:4), ug naglipay sa tawo ang mga nangalagad og Cristo nga nagsakripisyo ug nagpalagsik nga kinabuhi ug naglipay nga gugma (2 Cor. 3:6; Fil. 2:17; 2 Tim. 4:6).

II. Magpabilin gyod ta sa atong pagkabutang ingon nga mga sangang gisumpay ni Cristo nga realidad sa kahoyng olivo ug sa punoan sa paras sa pagpabilin nato Kaniya aron makapahimulos ta sa kadato ni Cristo; ang pagpabilin diha ni Cristo pagpuyo man diha Niya, kanunayng makig-ambitay Niya, aron makasinati ug makapahimulos ta sa pagpabilin Niya kanato—Juan 15:4-5:

- A. Kon nahigugma ta ni Ginoong Jesus, ipadayag Niya ang Iyang Kaugalingon kanato, ug moanhi ang Amahan uban Niya aron maghimog puluy-anan uban nato aron atong mapahimuslan; masigka-puluy-anan kini, nga niini magpabilin ang Tulo-usang Dios kanato ug magpabilin ta Niya; labi tang mahigugma sa Ginoo, labi sab nga maanaa nato ang Iyang presensya, ug labi ta nga maanaa sa Iyang presensya, labi sab natong mapahimuslan ang tanang pagkamao Niya alang nato; ang pahiuili sa Ginoo pagpahiuili man sa paghigugma nato ni Ginoong Jesus—1 Cor. 2:9-10; Efe. 6:24.
- B. Magpabilin ta ni Cristo aron magpabilin Siya nato sa pagpabilin nato sa Iyang gugma—Juan 14:21, 23; 21:15-17; 15:10:
 1. Gilakbit-asoy sa duha ang tanang sugo: motuo sa ngalan sa Anak sa Dios, nga si Jesucristo, ug maghigugmaay sa usag usa—1 Juan 3:23-24; Juan 13:34-35.
 2. Daan ug bag-o ang sugo kalabot sa gugmang inigsoon: daan, kay naa na man kini sa mga magtutuo sukad pa sa sinugdan sa ilang Cristohanong kinabuhi; bag-o, kay sa ilang Cristohanong paggawi balikbalik man kining mobanagbanag nga dunay bag-ong kahayag ug mosidlak nga dunay bag-ong paghayag ug bag-ong kusog—1 Juan 2:7-8.
 3. “Nahigugma ta kay Siya may unang nahigugma nato” (4:19); unang nahigugma ang Dios kanato kay gipatuhopan man ta Niya sa Iyang gugma ug gipahimugso sa sulod nato ang gugmang gihigugma nato Niya ug sa mga igsoon (vv. 8, 16).
 4. Makat-on ta ni Cristo sumala sa Iyang panig-ingnan, dili pinaagi sa atong natural nga kinabuhi kondili pinaagi Niya nga atong kinabuhi diha sa pagkabanhaw; ang aktwal nga kahimtang sa kinabuhi ni Jesus nga nasulat sa upat ka Ebanghelyo nagpadayag nga naa sa pagkinabuhi ni Cristo ang Dios nga gugma—Efe. 4:20-21; Juan 15:12, 17; 17:23-24, 26.
 5. Ang pagpabilin diha sa gugma pagbatasan man nga mahigugma sa uban pinaagi sa gugma nga mao ang Dios mismo aron mapadayag Siya dinhi nato; nagkinabuhi si Cristo ning kalibotana sa kinabuhi sa Dios nga gugma, ug Siya ang kinabuhi nato karon aron magkinabuhi ta sa samang kinabuhi sa gugma ning kalibotana ug masama Niya—“unsa ngani Siya, maingon man sab ta ning kalibotana”—1 Juan 4:17.
- C. Magpabilin ta ni Cristo aron magpabilin Siya nato sa pagtagad nato sa makanunayong pulong sa Kasulatan, nga naa sa gawas nato, ug sa naa-karon nga pulong nga mao ang Espiritu, nga naa sa sulod nato—Juan 5:39-40; 6:63; 2 Cor. 3:6; Bug. 2:7:
 1. Pinaagi sa dayag, nasulat nga pulong naa tay pagpatin-aw, pagbatbat, ug pagpadayag sa misteryo-song Ginoo, ug pinaagi sa sulodnon, buhing pulong makasinati ta sa nagpabiling Cristo ug sa presensya sa praktikal nga Ginoo—Efe. 5:26; 6:17-18.

2. Kon magpabilin ta sa makanunayon ug nasulat nga pulong sa Ginoo, magpabilin ang Iyang diha-diha ug buhing mga pulong kanato—Juan 8:31-32; 15:7; 1 Juan 2:14.
 3. Magpabilin ta Niya ug magpabilin ang Iyang mga pulong kanato aron mamulong ta diha Niya ug mamulong Siya dinhi nato aron matukod ang Dios nganha sa tawo ug ang tawo ngadto sa Dios—Juan 15:7; 2 Cor. 2:17; 13:3; 1 Cor. 14:4b.
- D. Magpabilin ta ni Cristo aron magpabilin Siya nato sa pagtagad nato sa pagtudlo sa sulod sa malangkobon-sa-tanan nga pagdihog—1 Juan 2:27:
1. Magpabilin ta sa diosnong pagpakig-ambitay ni Cristo sa pagsinati nato sa paghinlo sa dugo sa Ginoo ug sa pag-aplikar sa pagdihog sa Espiritu sa pagkatawo nato sa sulod—Juan 15:4-5; 1 Juan 1:5, 7; 2:20.
 2. Si Cristo nga Ulo mao ang Dinihogan ug ang Nagdihog, ug kita ang Iyang mga bahin nga nagpahimulos Niya nga pagdihog sa sulod aron matuman ang Iyang tuyo—Heb. 1:8; 3:14; 2 Cor. 1:21-22.
 3. Ang pagdihog, nga mao ang paglihok ug pagbuhat sa sinagol nga Espiritu sa sulod nato, nagdihog sa Dios kanato aron masuropan ta sa Dios, mapanag-iya nato ang Dios, ug makasabot ta sa hunahuna sa Dios; ipahibalo sa pagdihog ang hunahuna ni Cristo nga Ulo sa Lawas ngadto sa mga bahin Niya pinaagi sa pagbati sa sulod, sa pamatyag sa sulod, sa kinabuhi—Sal. 133; 1 Cor. 2:16; Rom. 8:6, 27.
 4. Makapabilin ta ni Cristo aron mamintinar ang organicong pagkausa nato Kaniya sa pagpatumong nato sa atong salabotan sa espiritu, magtagad sa atong espiritu—v. 6; 2 Cor. 2:13; Mal. 2:15-16.
 5. Gusto ngani ang Ulo nga molihok ang usa ka bahin sa Lawas, ipahibalo Niya kini pinaagi sa pagdihog sa sulod, ug sa mopasakop ta sa pagdihog, gawasnong moagay ang kinabuhi gikan sa Ulo nganhi nato; kon mosukol ta sa pagdihog, maulang ang relasyon nato sa Ulo, ug mohunong ang agay sa kinabuhi sa sulod nato—Col. 2:19; Buh. 16:6-7.
- E. Magpabilin gyod ta ni Cristo nga atong Hari ug harianong puluy-anan aron makapabilin Siya kanato ug himoon tang rayna ug harianong palasyo Niya, mahimayaong iglesia Niya—Sal. 45:13, 8; Juan 15:4-5; Efe. 5:27; Bug. 22:5; Rom. 5:17; itandi sa A. A. 6:4:
1. Ang pagpabilin diha ni Cristo pagpuyo man diha Niya, ang Walay Kataposang Dios, nga Ginoo nato, magkinabuhi ta diha Niya ug himoon Siya nga tanan nato—Juan 15:4-5; 1 Juan 4:15-16; Bug. 21:22; Deut. 33:27a; Sal. 90:1.
 2. Magpuyo gyod ta sa Dios, magkinabuhi diha Niya sa matag minuto, kay sa gawas Niya naay mga sala ug mga kasakitan—vv. 3-11; Juan 16:33.
 3. Ang paghimo sa Dios nga puy-anan nato, ang walay kataposang puluy-anan nato, mao ang kinalabwan ug kinahingpitang pagsinati nato sa Dios—Sal. 91:1-16.
- F. Ang pagpabilin diha ni Cristo, paghimo Niya nga puluy-anan nato, ug pagpapabilin Niya kanato, himoon tang puluy-anan Niya, pagkinabuhi man diha sa realidad sa unibersohanong panagtagik sa nahikay ug nahingpit nga Tulo-usang Dios ug sa tinubos ug gipanganak pag-usab nga mga magtutuo—Juan 14:2, 10-11, 17, 20, 23:
1. Ang Bag-ong Jerusalem mao ang kinahingpitang panagtagik sa nahikay ug nahingpit nga Tulo-usang Dios ug sa gipanganak pag-usab, gibalaan, gibag-o, gitransporma, gipasama, ug gihimayang iglesia nga may tulo ka bahin—Bug. 21:3, 22.
 2. Ang Bag-ong Jerusalem mao ang tabernaculo sa Dios, ug ang sentro sa tabernaculo mao si Cristo nga tinagong manna; ang paagi nga matagik ning unibersohanon, diosnon-tawhanong panagtagik, ang masigka-puluy-anan sa Dios ug tawo, pagkaon man nato ni Cristo nga tinagong manna—v. 3; Exo. 16:32-34; Heb. 9:4; Bug. 2:17.